

第一集

粵雅堂叢書

桂馨山館

第一集

粵雅堂叢書

桂香山館

南部新書

桂馨山館

夙聞劉勰之論曰先王聖化布在方冊夫子風采溢於
格言蓋孔堂汲郡之古固無待於闡揚而玉箱金版之
遺亦靡煩於甄錄懸諸日月積比邱山欽逢

治教休明文史足用行披坐檢汎覽流觀豈有爝火可
佐三辰叢薄足裨列嶽然而觚裂疣贅瑣碎支離屑玉
雜鉛充庭折軸縱微言之垂絕均要道之所存雖瑕瑜
相形而朱紫待別都爲一集端藉叢書溯自古鄧左山
人之舊刊以迄鄔鎮鮑處士所近輯陋似列肆閒坊之
彙刻備如 延閣廣內之鉅編業並輝映後先亦各流

聞今古崇曜久事編摩偶付鉛槧曾匪噉名之具依然
漫與之詩斲輪任笑以升堂拔戟竊冀其成隊亦雕蟲
之小技或附驥以同傳四部森羅寸心得失請言其概
有七難焉舞同癯鶴轉羨瓊璣伏比疥駝猶矜娥媚削
任禿乎千兔裁定束乎兩牛豈韓淮陰之將兵多得益
善實趙平原所愛士碌碌無奇燈務飾乎九華琴必珍
乎百衲益同買菜貧學市瓜如傅毅之筆不休宜覆酒
甕縱陸澄之史立就仍戲書廚業已等身猶然師耳其
無謂者一也瑤池之駿圖及盜驪金谷之筵饌有萍韭

而乃胡盧依樣小草異名似換羽而移宮實重規而疊
矩孫叔猶在奚須優孟之衣冠西子自佳苦被無鹽之
刻畫行將壓倒元白非徒閤合孫吳業開卷而雷同或
成書之月異訝節度之麾幟變換不殊笑記室之襪襦
搨搨已慣其無謂者又一也書不止金滕大誥詩豈徒
清廟生民異備六官而任缺攷工同尊四聖而逕刪繫
傳鉅鹿鴻門數葉足具史才小園枯樹兩篇便推賦手
恐抱璞而遺玉謂披沙而揀金踵謬沿訛因陋就簡食
雞千蹠乃許善庖見驥一毛終疑泛駕思鳳畱羽夫豈

別有肺腸擣麝成塵究非本來面目其無謂者又一也
朝華夕秀斯兼百卉之稱秋菊春蘭各極一時之選近
則談漢學者尊服鄭而薄程朱講唐音者仿高岑而輕
楊陸縱矜絕詣仍匪通裁卽擅顓門宛同偏嗜珪璋特
達忍拋墮珥編璫黼黻相須何礙零縑斷楮熊魚均欲
宜兼取捨之言丹素殊觀偏主是非之說其無謂者又
一也班馬史判異同本宜蹈襲劉宋書分新舊互見醇
疵不必如滕薛之爭何至若尹邢之避唐詩具在各矜
一字之師晉帖爭傳或詡千金之本憐屐齒所未到邃

古苔封信文心之獨奇簇新花樣偶同掃葉宜比積薪
瑟旣改弦博非覆局便譏殘客或詆重儻其無謂者又
一也豔稱淮雨孰辨陶陰原是金根殆非白及業已先
書蠶素豈容妄下雌黃惟寫本之未工實鈔胥之屢誤
又或遞經翻刻迥異原文盡信書而惘然宜奮筆而直
改乃作騎牆之見宛如築室之謀但兩說之並存竟一
辭而莫贊是則編惟刊誤必並錄乃算完書史或拾遺
定夾註斯稱足本其無謂者又一也古人不作來者難
誣唯篤好乎奇編恆易欺以贗鼎夫向子期之莊註以

郭象所竊而別行師尙父之兵書以朱服之言而不廢
譚峭著摠竟盜於齊邛阮逸託名實發於坡老倘貴遠
而賤近必畱僞而去真將類李斯狗枷相如犢鼻令公
阜襖洪厓僕頭固不僅若鍾鎮西之贗書米阿章之假
帖其無謂者又一也粵雅堂者舊輯嶺南遺書粵十三
家集楚庭耆舊遺詩之地而因以署焉者也言念桑梓
之邦敬恭敢後從事棗梨之役推廣宜先歲月不居行
能無算酌叢編之前式俾故帙之永傳仍與玉生廣文
同發舊藏各從轉借參懷擬定殫極邱墳校練有無損

併存佚愧顏少監之討析必暢本源同諸葛相之交游
獨觀大略不拘時代間攷生平奧義名言隨鈔瑣錄昔
賢之贖稿佚女所戲編條閱四朞始成十集亡待補乎
三篋還敢吝乎一甌苦奢願之難償憐壯心之未已藏
山誰敢壽世可期更殷勤以訪求仍次第以刊佈汲古
遜毛琴川之博幸際昇平解經愧阮文達之專誰許
私淑瑯嬛可賃定比張華而更癡清祕難躋夙羨黃
香之早貴難如成容若之好事重刻徐憺園司寇彙編
同人擬重刻
通志堂經解
敢擬馬秋玉之積書待乞全謝山庶常撰

序

鮎琦亭集有馬氏叢書樓書目序

咸豐三年歲在癸丑獻春之初南海伍崇曜謹識

粵雅堂叢書目

第一集

南部新書十卷

宋 錢 易撰

中吳紀聞六卷

宋 龔明之撰

志雅堂雜鈔二卷

宋 周 密撰

焦氏筆乘六卷續八卷

明 焦 竑撰

東城雜記二卷

國朝 厲 鶚撰

粵雅堂叢書總目

第一集



桂馨山館

南部新書十卷

宋 錢易撰

中吳紀聞六卷

宋 龔明之撰

志雅堂雜鈔二卷

宋 周密撰

焦氏筆乘六卷續八卷

明 焦竑撰

東城雜記二卷

國朝 厲鶚撰

第二集

奉天錄四卷

唐 趙元一撰

咸淳遺事二卷

宋 無名氏撰

昭忠錄一卷

宋 無名氏撰

月泉吟社一卷

宋 吳渭編

谷音一卷

元 杜本編

河汾諸老詩集八卷

元 房祺編

揭文安公文粹二卷

元 揭傒斯撰

玉笥集十卷

元 張憲撰

潞水客談一卷

明 徐貞明撰

陶庵夢憶八卷

明 張岱撰

天香閣隨筆二卷集一卷

明李介撰

第三集

芻蕘輿論二卷

宋張方平撰

唐史論斷三卷

宋孫甫撰

叔苴子內編六卷外編二卷

明莊元臣撰

西洋朝貢典錄三卷

明黃省曾撰

五代詩話十卷

國朝王士正原編

鄭方坤刪補

第四集

易圖明辨十卷

國朝 胡渭撰

四書逸牋六卷

國朝 程大中撰

古韻標準四卷

國朝 江永撰

四聲切韻表一卷

國朝 戴震撰

緒言三卷

國朝 錢大昕撰

聲類四卷

宋遼金元四史朔閏攷二卷

第五集

國史經籍志五卷

明 焦竑撰

文史通義八卷校讐通義三卷

國朝章學誠撰

第六集

經義攷補正十二卷

國朝翁方綱撰

小石帆亭五言詩續鈔八卷

蘇詩補注八卷

石洲詩話八卷

北江詩話六卷

國朝洪亮吉撰

玉山草堂續集六卷

國朝錢林撰